

نومرو ۱-۶

صُوفِيَّة

نسخه می ۱۰ پاره در



عرفای امّت مقالات متصوفانه لایحه جریده
صوفیه کت حقیقه لری آچیدر .

اعلانات و مائره ایچون مدیر مسئوله مراجعت
ایدنلیدر .

آهونه می بر سنه ک اعتباریه مائت غنیه ایچون
۲۵ و مائت اجنبیه ایچون ۳۵ غروشدر .

محل اداره باب عالی جوازنده ابراهیمود جاده سنده
نجم استقبال مطبعه می

شیمدیک اون بش کونده بر نشر اولنور تصوفدن باحث دینی ترک جریده اسلامیه سیدر .

جریده صوفیه و حقیقت صوفیه

صوفی علی الاطلاق ایکی قسم اوزرینه منقسمدر . بری صوفی ظاهری، دیگر صوفی باطنی یعنی حقیقیدر . بوقسماری یکدیگرندن تقربق ایتک و هر برلری حقنده بر نبذه جک سوز سوله مک ایسترم .
غزته مزک بکانه املی ، مقدس وظیفه سی روضه معرفت ، کلزار وحدت چنزار حقیقتدن ضیا بخشای جهات جهان ، ششمه فرمای اقطار آسمان اولان کالات لدنیة سبحانیة ، حقایق قلبیة بی غایه بی ، ارباب ذوق و سلیه خاطر لایمقدر .

(مراتب الوصول لاینهی ابدأ)

(والسیر فی الله لایقطع سرمدآ)

مراتب وصلت و سیر فی الله انتها پذیر اولدینی کی سرائر ربوبیت دخی بی یاندر . بو بحر بی قمرک کنارلرنده طولا شوب طالع ایدن روحانی نشئه لری قلندران اهل حقیقت ، زندان کوی طریقه رمزله اشارت ایتک مسلک سنیه صوفیه دندر . علم ظاهر لساندن سمعه علم باطن ایسه دلدن دله پیوسته اولور . سرائر صمدانیه و انتقالات لدنیه بی وجه قبول ایسه ذوق سلیمدن عبارت اولوب معکس قلندر بوی وصلنده دماغنده اثر اولیانلر کلام صوفیه دن حصه مند اوله مازلرکه بوکا (من لم ینق لم یعرف) بر شاهد عادلدر . مثلاً صوفی ظاهری بی صورتدن حقیقتیه و مرتبه وحدته دعوت طرزنده کی بر بیت عارفانده :

(صوفی کلی یحیی و مرقع بخار بخش)

(وین زهدتاخ را بجی خوشکوار بخش)

(حافظ شیرازی)

ای صوفی بر کل دیوشیر مرقعی خاره و بو آبی زهدی آب روان کی اولان می خوشکوارده بخش ایت . معنای تصوفی ای دماغ جانی ریج رحمان و ذوق روحانیدن بی بهره اولان صوفی سی هو غیرتله بر کل اقتطاف ایدوب محبوب حقیقیه و حصول بول بو مرقع ریا خرقه سی نفسک کریمه کوردیکی ملامت و خرابایک خارینه و بوخام و آبی زهد خشک ناپسندی ، مقبول درگاه حضرت الله اولان شراب عشقه و محبت صادقه بی نهایتیه تبدیل ایله . ایکنجی مرتبه ده بولنانلر حقنده . مثلاً

(رفت آن طائوس عرشی سوی عرش)

(چون رسید ازها تفانش بوی عرش)

مسالک جلیل صوفیه اوزره اشوب کلام گفته و سخن پخته بی طریق سنیه اهل الله اوزره بولنان

قدسیان اکلار : او قدسیان که (باعشریان رقص زندند) مثلاً (درویشرا هر یکجا که شب آمد سرای اوست) دنیلیر :

(از وجود خویشتن کشتم نهی)

(نیست از غیر خدایم آکبی)

عالم هستدن بی مرحله عالم نیستیده قرار طوتان مردمیدان خدا اولان ذوات درکه قسم نایدند . غزته مزک مسالکی قسم ثانییه عائددر .

مثنویخوان

علی فوآد

لا هوت و ناسوت

جناب فاطر اقدسک عظمتی ، بیوکچی بر طریق نامتناهی درکه او طریقده خطوه انداز ترقی اولدجه عظمت الهیه کسب ارتقا ایدر . قدرت پروردکار معلومات انسانییه ایله مبسوطاً متناسبدر . انسان حقایق موجودانده کی تدقیقات و تنبیهاتی نه قدر توسیع واعتلا ایدر سه جناب جهان آفرینک عظمتی دخی اونستیده توسیع ایتش اولور .

عالم امکانده وجود پذیر اولان اشیا و حوادثک اکثر بی ادراک بشیره وله انداز حیرت اولقی اوزره مکنوند . حقایق اشیا و سر حکمت و وصول انجیق بر فکر سلیمک محاکمه عمیق سلیله اوله یله چکی کی بو محاکمه مکده محور لایقنده جربانی بر موجب فرموده الهی اهل حال ، اهل کمال ایله همدم اوله رق مصاحبات سرمدانه و وصایای حکیمانه ایله اوله جنی دقیقه شناسان عوالم عندنده مسامدر . ایشته بتون موجودات ، مکونات ، دریای لاهوت اولان عالم روحدن دریای جبروت اولان عالم قلبه و علی مراتبهم عالم ملکونه و بومنوال اوزره خفایای بی نهایتک جلا بولدینی مقام ناسوته کلکده در . زمین و زمان جمله مکانی مستولی انوار لاهوتک موجه لری انسانلری مستغرق بهت و خیرت ایدر .

کائناته نشر حیات ایدن اوکبرای لاهوت عظمت و روشانه طامشش او عاوبت لاهوتک ساحل قدرتمنده انسانلر میهوت اوله رق قالمشدر . ششمه پاش جهان اولان عالم لاهوتک غرابی خیالات انسانییه ترجمه ایده ایده تجلیات ماسوایی قالدیر ماسوی رفع اولدجه اوقوجه عالم ناسوت عالم لاهوتک زبونی اولور . هر شی مفقود هر وجود ناموجود اوله رق میدان بقا قهرمان وحدته منحصر قانور (کل شی ها تک الا وجه)

نبوت و رسالت

مظهر خطاب جلیل لولا که ، وسیله تکوین زمین افلاک ، پیغمبر قدسی خصلت افندمن حضرت تباری صاحب نبوت و رسالتدر بهض علما رسول ایله رسالت بر برندن ممتاز اولدیفته ذاهب اولدیلر .

رسول جناب حقندن خلقه کتاب ایله تبلیغ احکام ایچون کوندلش بر ذاندن بی اکر نیادن مشتق اولور سه فعلیل یعنی فاعل اولوب معنایی جناب حقندن کندوبه وحی اولدیه درجه سی عالی دیمک اولور فقط تبلیغ احکام ایچون دانسته مخصوص کتاب منزل اولیوب بلکه صاحب کتاب اولان رسولک کتابتک حکمیه عامل وانی خلقه مبالغ و مخبر اولور بوسیدن درجه رسالت درجه نبوتدن افضلدر زیرا هر رسول صاحب نبوت اولوب هر بنده رسالت بوقدر حتی بعض بی تبلیغ احکامه دخی مأمور دکندر بعض ولینک ارشاده مأمور اولدینی کی صاحب هر کالت افندمن افضل خالق اه اولدقلاری جهته شرف نبوت درجه رسالتی جامعدر لر اسم سعادت لرینه (صاحب النبوة والرسالة) تسمیه ایدلدی حضرت پیغمبرک رسالتی سائر رسل عظام کی یالکزر انسانلره اولیوب بلکه طائفه جنبه دخی عام و شاملدر . (رسول الثقلین) اولقی آنجیق ذات سعادت پیغمبر یلرینه مخصوصدر .

(بمثل الی الناس كافة) حدیث شریفی مدلولدجه حضرت آدم علیه السلامدن وقت سعادت پیغمبری به قدر انبیا و مرسلینک امتلارینک مبعوثیدر .

علماء محققینک بعضلاری حضرت فخر کائناتک رسالتی نوع بی آدمدن جادانه دخی شامل اولدیفته نه کم طاشلر ، اغا جابر ، نباتات حتی بالجمله موجوداتک رسالت پیغمبری به شهادت ایتدیکنه قائل اولدیلر .

حضرت رسول اکرمک رسالتی ملائک انسی و جان و بالجمله وحوش و حیواناته شامل اولدیفنی بلکه ذات پیغمبر بسنه دخی مبعوث بولدینی امام سهو طی رحمة الله تعالی رحمة واسعة حضرت تباری بیان بیورمشلردر .

نته کم (اشهد . . . وانی رسول الله) بیوروب ذاتک رسالتی تصدیق و شهادت بیورمشلردر .

پیغمبر لریک کافه سنک نبوته اشترا کلری اولوب سائر فضائل و درجانه بعضی بی بعضیسندن افضل اولدیفته (تاک الرسل فضلنا . .) آیت کریمه سی دالدر .

حضرت سایان علیه السلامک چنلره حکم